

# Аллоҳнинг розилиги ирода қилингандай амал



Аллоҳнинг розилиги  
ирода қилингандай амал

14:00 / 02.04.2022 2722

Халифа Умар ибн Хаттоб розияллоҳу анҳунинг халифалик давларида Ярмук ғазоти бўлиб ўтди. Ярмук ғазотидаги мусулмонлардан 24.000(йигирма тўрт минг) ғозий чиққан. Рум қўшини эса 120.000(бир юз йигирма минг) киши эди. Улар худди баҳайбат тоғдек, салмоқли қадамлар билан юриб келишар эди. Олдиларида епископлар, патриархлар ва пасторлар йўл бошлиб, хочларини кўтариб олган ҳолда, қўшиқларини айтиб келар эди. Орқадаги қўшин уларнинг гапини такрорлар эди. Қўшиндан худди момоқалдироқнинг гумбурлаши каби даҳшатли овоз келар эди.

Мусулмонлар уларни кўриб кўплигидан ҳайиқишиди. Аввалда уларнинг қалбига бироз қўрқинч ҳам кирди.

Абу Убайдада ибн Жарроҳ розияллоҳу анҳу мусулмонларга ваъз қилиб деди:

«Эй Аллоҳнинг бандалари! Аллоҳга ёрдам беринг, ана шунда Аллоҳ сизга ёрдам беради ва қадамларингизни сабит қиласди. Эй Аллоҳнинг бандалари! Сабр қилинг. Зоро сабр куфрдан нажот берувчи ва Аллоҳни рози қилувчи ва орнинг тойиладиган жойидир. Найзаларни улоқтиринг, қалқонларни ишга солинг. Фақатгина Аллоҳни ичингизда зикр қилинг. Бошқа сўз айтманг!».

Шунда мусулмонлар қўшини ичидан бир киши чиқиб Абу Убайда розияллоҳу анҳуга деди:

- Мен ишимни мана шу соатда ҳал қилишга қарор қилдим. Расууллоҳ соллаллоҳу алайҳи васалламга юборадиган мактубинг борми?

Абу Убайда розияллоҳу анҳу деди:

- Бор! Аввало у зотга салом айтасан. Сўнг «Эй Аллоҳнинг Расули! Биз Роббимизнинг бизга берган ваъдасини ҳақ деб топдик!», дейсан.

Ҳалиги киши билан Абу Убайда розияллоҳу анҳунинг гапини эшитиб турган Саъид ибн Амр Рум лашкарлари ичига ёриб кириб мусулмонлар томон ҳаракатланган биринчи лашкарни ўлдирди. Буни кўрган мусулмонлар қалбидан Румнинг ҳайбати йўқолди. Дунёни сотиб жаннат оладиган киши бўлиб жанг қилишди. Аллоҳ уларга нусрат берди.

Бир киши бутун қўшиннинг йўналишини, қалбини ўзгартириб юборди. Сийрат китоблари у кишининг исмини айтмайди. Бу унга зарар бермайди. Аллоҳнинг билиши етарли унга. У шаҳидликни ният қилиб чиқди. Абу Убайда розияллоҳу анҳудан Расууллоҳ соллаллоҳу алайҳи васалламга мактуби борми ёки йўқлигини сўради. Унинг сабабидан Саъид ибн Амр ва бошқалар шижаотланди.

Ўзингизга енгил қараманг. «Биргина мен нима қила олар эдим» деманг. Ҳақ соатида Аллоҳнинг розилиги ирода қилиниб қилинган биргина амалингиз туфайли Аллоҳ минглаб кишиларга савоб бериши мумкин. Гоҳида Аллоҳ учун айтилган биргина ҳақ гап минглаб инсонларга тўғри йўл кўрсатиши мумкин. У минглаган инсонларни қиёмат куни тарозингизда топишингиз мумкин.

Қачонлардир биргина имом Аҳмад ибн Ҳанбал роҳимаҳуллоҳнинг саботлари туфайли Аллоҳ бу умматнинг динини сақлаган. Бу қандайин сабот бўлди эй имом Аҳмад!

**Абдулқодир Полвонов**